

72 hreppur greiða Tjörneshreppi af húsinu svo lengi sem starfræksla símans er rek-
 in á kostnað hreppsins að öðru leyti en því, að Húsavíkurhreppur leggur Tjörneshreppi til leigulaust húsnæði á Húsavík til opinberra hreppsfunda. Starfrækslu símans annast Húsavíkurhreppur að undanskildu húsnæðinu. Leggist starfræksla símans niður, eða breytist svo, að eigi sje þörf fyrir húsið, leitast hreppsnefndirnar í samráði við að koma húsinu í verð, og skiftist þá andvirðið þannig, að í hlut Húsavíkurhrepps komi $\frac{7}{10}$ og í hlut Tjörneshrepps $\frac{3}{10}$ hlutar.

Bæjarhús í Prestholti, Helgugerði og Mói, skulu fyrst um sinn vera sameiginleg eign hreppanna, og notast í þarfir beggja, eins og verið hefir.

Af baðkerum hins núverandi hrepps gangi 2 til Húsavíkurhrepps, en 4 til Tjörneshrepps.

Allar bækur hins núverandi hrepps skulu fylgja Húsavíkurhreppi hinum nýja með frjálsum aðgangi fyrir Tjörneshrepp þegar hann þarfnast, en þær má ekki flytja burt af Húsavík; bækur þær, sem hvor hinna nýju hreppa er skyldur að halda að lögum, skulu keyptar á sameiginlegan kostnað af sjóði hins núverandi hrepps, áður en skiftingin fer fram.

Skólahúsið á Húsavík skal vera óátalin eign hins nýja Húsavíkurhrepps, og tekur hann að sjer greiðslu allra skulda, sem á húsinu hvíla.

Afborgun og vexti af símaláni því, sem hvílir nú á hinum núverandi hreppi, ber Húsavíkurhreppur að $\frac{5}{6}$ og Tjörneshreppur að $\frac{1}{6}$ hluta.

Skuld hreppsvegasjóðsins, eins og hún verður þegar skiftingin fer fram, tekur Húsavíkurhreppur að sjer án endurgjalds frá Tjörneshreppi.

Öllum öðrum eignum og skuldum en þeim, sem getur um hjer á undan og tilheyra eða hvíla á hinum núverandi hreppi, skal skift þannig milli hinna nýju hreppa, að í hlut Húsavíkurhrepps komi $\frac{7}{10}$ og í hlut Tjörneshrepps $\frac{3}{10}$ hlutar.

4) Aðskilnaður hreppanna skal fara fram þegar er hreppsnefndir hafa verið kosnar í hvorum hinna nýju hreppa, og skulu vera 5 hreppsnefndarmenn í hvorum þeirra, en þær skulu síðan framkvæma skiftinguna á eignum, skuldum og sveitarþyngslum, en verði ágreiningur út af skiftingunni skal úr honum skorið af sýslunefnd, sem einnig kveður á um fjallskil og afrjetti.

Þetta er yður hjermeð til vitundar gefið til leiðbeiningar, frekari aðgerða og birtingar, að því viðbættu, að með framangreindri fyrirskipan er engin breyting gjörð á hinum forna Húsavíkurhreppi sem dómpinghá nje manntalspinghá.

73 **Brjef stjórnarráðsins til sýslumannsins í Húnavatnssýslu um hlunnindi handa**
 18. júní **sparisjóði Húnavatnssýslu.**

Útaf beiðni, sem hingað hefir borist frá stjórnendum sparisjóðs Húnavatnssýslu, vill stjórnarráðið hjermeð veita nefndum sjóði um 5 ár frá 1. þ. m. að telja hlunnindi þau, sem ræðir um í tilskipun 5. jan. 1874, um hlunnindi nokkur fyrir sparisjóði á Íslandi, með þeim skilyrðum, að eigi rýrni trygging sù, sem

nú er fyrir því, að sjóðurinn standi í skilum, að ákvæðanna um reikningsskil í lögum sjóðsins sje nákvæmlega gætt, og að forstöðunefnd sjóðsins sendi hingað á ári hverju endurrit af ársreikningi hans í fyrirskipuðu formi. Svo ber og að senda hingað skýrslu um hverja þá breytingu, sem verða kann á lögum sjóðsins. 73
18. júní

Þetta er yður, herra sýslumaður, til vitundar gefið til birtingar fyrir forstöðunefnd sjóðsins.

Brjef stjórnarráðsins til sýslumannsins í Arnessýslu um hlunnindi handa sparisjóði Skeiðahrepps. 74
18. júní

Eftir móttöku brjefs yðar, herra sýslumaður, dags. 20. apríl þ. á., vill stjórnarráðið hjermeð veita sparisjóði Skeiðahrepps um næstu 5 ár frá 1. júlí þ. á., hlunnindi þau, sem ræðir um í tilskipun 5. jan. 1874, um hlunnindi nokkur fyrir sparisjóði á Íslandi, með þeim skilyrðum, að eigi rýrni trygging sú, sem nú er fyrir því, að sjóðurinn standi í skilum, að ákvæðanna um reikningsskil í lögum sjóðsins sje nákvæmlega gætt, og að forstöðunefnd sjóðsins sendi hingað á ári hverju endurrit af ársreikningi hans í fyrirskipuðu formi. Svo ber og að senda hingað skýrslu um hverja þá breytingu, sem verða kann á lögum sjóðsins.

Þetta er yður til vitundar gefið til birtingar fyrir forstöðunefnd sjóðsins.

Brjef stjórnarráðsins til sýslumannsins í Eyjafjarðarsýslu um takmörk verslunarlóðarinnar í Dalvík. 75
18. júní

Með brjefum yðar, herra sýslumaður, dags. 15. apríl f. á. og 6. apríl þ. á., hafa hingað borist tillögur sýslunefndar Eyjafjarðarsýslu um takmörk verslunarlóðarinnar í Dalvík, sem með lögum nr. 48, 30. júlí 1909 varð löggiltur verslunarstaður, ásamt tillögum hreppsnefndar Svarfaðardalshrepps viðvíkjandi hinni fyrirhuguðu verslunarlóð og uppdrætti af henni.

Útaf þessu er hjermeð svæði það, sem reisa má á verslunarhús í Dalvík, sett efrir framangreindum tillögum og uppdrætti, svo sem hjer segir:

Að norðvestan í flæðinni sker, þaðan garður suður Bökkversstaðamóa að Djúpuklauf, þaðan lína austur eftir nyrðra barmi klaufarinnar austur á barðið vestan við flæðarnar, þaðan eftir því barði í norð-austur með Flæðatjörn og svo 140 fet í austur, með tjörninni og þaðan þvert yfir kambinn í sjó út; að norðan sjórinna.

Jafnframt því að tjá yður þetta til frekari birtingar, skal lagt fyrir yður að sjá um, að eitt eintak af hinum framannefnda uppdrætti verði geymt við skjöl hlutaðeigandi hrepps, og að hreppsnefndin láti setja og halda við á kostnað hrepps-sjóðs glöggum merkjum á takmörkum verslunarlóðarinnar, þar sem takmörkin eru ekki glögg af náttúrunnar hendi.